

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» հունիսի 2014թ.

N-----Ա

ՈՐՈՇՈՒՄ

**ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ
ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2013 թվականի դեկտեմբերի 10-ի հ.95-Ն որոշմամբ հաստատված հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Երևան համայնքի ընդհանուր բաժնային սեփականությունը համարվող Արցախի փողոցի հ.12ա շենքի հ.46՝ 48.75քմ մակերեսով բնակարանի իր բաժնեմասը (1/2) (անշարժ գույքի նկատմամբ իրավունքների պետական գրանցման 13.11.2013թ. հ.13112013-01-0310 վկայական) սեփականության իրավունքով անհատույց օտարել (նվիրել) Արեգնազան Մկրտչյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

«ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Արեգնազան Մկրտչյանը դիմել է Երևանի քաղաքապետարան Էրեբունի վարչական շրջանի Արցախի փողոցի **հ.12ա շենքի հ.46՝ 48.75**քմ մակերեսով բնակարանի բաժնեմասն իր անվամբ մասնավորեցնելու խնդրանքով:

Արցախի փողոցի **հ.12ա շենքի հ.46** բնակարանն ընդհանուր բաժնային սեփականության իրավունքով պատկանում է Արեգնազան Մկրտչյանին (հիմք անշարժ գույքի նկատմամբ իրավունքների պետական գրանցման **13.11.2013թ. հ.13112013-01-0310** վկայական):

Նշված բնակարանը՝ **1960**-ական թվականներին պետության կողմից, որպես երկաթգծի աշխատակից տրամադրվել է Արեգնազան Մկրտչյանի մորը՝ Եվա Յացկովսկայաին: Ամուսնու մահից հետո Եվա Յացկովսկայան **1989-1990** թվականներին ամուսնացել է Խաչիկ Համբարձումյանի հետ: Էրեբունու շրջգործկոմի **1994** թվականի որոշմամբ՝ Արցախի փողոցի **հ.12ա շենքի հ.46** բնակարանը սեփականության իրավունքով տրամադրվել է Եվա Յացկովսկայաին և Խաչիկ Համբարձումյանին: Եվա Յացկովսկայաի և Խաչիկ Համբարձումյանի մահից հետո նշված բնակարանի բաժնեմասի նկատմամբ (**1/2**), որպես Եվա Յացկովսկայաի ժառանգ ձևակերպվել է Արեգնազան Մկրտչյանի ժառանգության իրավունքը, որից ծագող իրավունքը ստացել է պետական գրանցում, սակայն Արեգնազան Մկրտչյանի ժառանգության իրավունքը նշված բնակարանի մյուս բաժնեմասի (**1/2**) նկատմամբ հնարավոր չի եղել ձևակերպել, քանի որ Եվա Յացկովսկայաի և Խաչիկ Համբարձումյանի ամուսնությունն օրենքով սահմանված կարգով գրանցված չի եղել:

Նկատի ունենալով, որ Խաչիկ Համբարձումյանը ժառանգներ չի ունեցել, նշված բնակարանի բաժնեմասը ճանաչվել է անժառանգ գույք և Հայաստանի Հանրապետության քաղաքացիական օրենսգրքի **1224**-րդ հոդվածով սահմանված դրույթների համաձայն բաժնեմասի նկատմամբ ձևակերպվել է Երևան համայնքի ժառանգության իրավունքը, որից ծագող իրավունքը ստացել է պետական գրանցում:

Համաձայն «Սասունցի Դավիթ-11» համատիրության կողմից **04.06.2014թ.** տրված տեղեկանքի Արեգնազան Մկրտչյանը **1959** թվականից փաստացի բնակվում է Արցախի փողոցի **հ.12ա շենքի հ.46** բնակարանում:

Համաձայն Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի աշխատակազմի տեղեկատվական տեխնոլոգիաների կենտրոնի **03.06.2014թ. հ.ԿԻ-2/3614** գրության՝ Արեգնազան Մկրտչյանի անվամբ Արցախի

փողոցի հ.12ա շենքի հ.46 բնակարան հասցեում գտնվող անշարժ գույքի նկատմամբ գրանցված է ընդհանուր բաժնային սեփականության իրավունք, ինչպես նաև վերջինիս անվամբ Հայաստանի Հանրապետությունում այլ անշարժ գույքի նկատմամբ սեփականության իրավունքի պետական գրանցում և վերջին հինգ տարիների ընթացքում անշարժ գույքի օտարման և ձեռքբերման գործարքներից ծագող իրավունքի պետական գրանցում կատարված չէ:

Երևան քաղաքի ավագանու **2013** թվականի դեկտեմբերի **10**-ի հ.95-Ն որոշման հավելվածի /Ծրագրի/ **3**-րդ կետի համաձայն՝ Երևան քաղաքի սեփականություն համարվող գույքը կարող է անհատույց օտարվել միայն Երևան քաղաքի ավագանու որոշմամբ, բացառությամբ Ծրագրի **4**-րդ կետի:

Ծրագրի **4**-րդ կետով նախատեսված իրավական և/կամ փաստական հանգամանքների առկայության դեպքում Երևան քաղաքի սեփականություն համարվող բնակարանները, բնակելի տները և բնակելի տարածքները կարող են սեփականության իրավունքով անհատույց փոխանցվել քաղաքացիներին Երևանի քաղաքապետի որոշմամբ:

Հաշվի առնելով այն հանգամանքը, որ տվյալ դեպքում բացակայում են Երևան քաղաքի ավագանու **2013** թվականի դեկտեմբերի **10**-ի հ.95-Ն որոշման հավելվածի /Ծրագրի/ **4**-րդ կետի **1**-ից **7**-րդ ենթակետերով նախատեսված իրավական և/կամ փաստական հանգամանքները, ուստի անհրաժեշտություն է առաջացել ընդունելու Երևանի ավագանու համապատասխան որոշում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

**«ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ
ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի ընդհանուր բաժնային սեփականություն համարվող բնակարանն անհատույց օտարելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ
ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի ընդհանուր բաժնային սեփականություն համարվող բնակարանն անհատույց օտարելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ